

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» սեպտեմբերի 2015թ.

N-----Ա

ՈՐՈՇՈՒՄ

**ԿԻՄ ԵՐԻՑՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝

Երևան քաղաքի ավագանին որոշում է.

Տալ համաձայնություն ՀՀ ժողովրդական արտիստ Կիմ Երիցյանի հիշատակը հավերժացնող հուշատախտակը Վարդանանց փողոց, 2-րդ նրբանցք հ. 4 հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ - ՀԻՄՆԱՎՈՐՈՒՄ

«ԿԻՄ ԵՐԻՑՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

ՀՀ ժողովրդական արտիստ Կիմ Երիցյանը ծնվել է 1930թ. նոյեմբերի 22-ին Թբիլիսիում:
1951թ. տեղափոխվել է Երևան:

1957թ. ավարտել է Երևանի գեղարվեստաթատերական ինստիտուտի դերասանական
բաժինը:

1955-73թթ. աշխատել է Երևանի Հ. Պարոնյանի անվան երաժշտական կոմեդիայի
թատրոնում՝ որպես դերասան: Կերտել է բազմաթիվ թատերական կերպարներ, սակայն
արտիստին համըդհանուր ճանաչում է բերել Պրլը Պուլու դերը՝ Բարսեղյանի «Պրլը Պուլի»
կատակերգությունում, որը խաղացել է ավելի քան 350 անգամ:

1973-2006թթ. աշխատել է Երևանի Հ. Ղափլանյանի անվան դրամատիկական
թատրոնում: Խաղացած դերերից են՝ Ագրիպաս աղա, գնդապետ, Թովմաս, Սերգեյ Կարպիշ,
Մաշու, Ալդոմիրցի և այլն: Նկարահանվել է հայկական բազմաթիվ ֆիլմերում՝
«Նվագախմբի տղաները», «Շրթներկ համար 4», «Սուտիկ որսկանը», «Քառս», «Հող և ոսկի»
և այլն: Բազմաթիվ դերեր է կերտել նաև հեռուստաթատրոնում: Ստեղծագործական կյանքի
ընթացքում մարմնավորել է ավելի քան 100 դեր:

2008թ. արժանացել է ՀՀ ժողովրդական արտիստի կոչմանը: Պարգևատրվել է նաև ՀՀ
մշակույթի նախարարության ոսկե մեդալով:

Մահացել է 2010թ. Երևանում:

Կիմ Երիցյանի հիշատակը հավերժացնող հուշատախտակը Վարդանանց փողոց, 2-րդ
նրբանցք հ. 4 հասցեում փակցնելու վերաբերյալ միջնորդություն է ներկայացվել Երևան
քաղաքի գլխավոր ճարտարապետ Ս. Բարսեղյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության
կառավարության 1999 թվականի օգոստոսի 31-ի «Հայաստանի Հանրապետությունում
պետական և հասարակական նշանավոր գործիչներին նվիրված հուշարձանների
իրականացման կարգը հաստատելու մասին» N 551 որոշմամբ հաստատված կարգի 2-րդ
կետը՝ Երևան քաղաքի ավագանու քննարկմանն է ներկայացվում սույն որոշման
նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԿԻՄ ԵՐԻՑՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ
ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
ՄԱՍԻՆ**

«Կիմ Երիցյանի հիշատակը հավերժացնող հուշատախտակի տեղադրման մասին»
որոշման նախագծի ընդունման կապակցությամբ Երևանի բյուջեում լրացումներ և/ կամ
փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ԿԻՄ ԵՐԻՑՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ
ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
ՄԱՍԻՆ**

«Կիմ Երիցյանի հիշատակը հավերժացնող հուշատախտակի տեղադրման մասին»
որոշման նախագծի ընդունման կապակցությամբ այլ իրավական ակտերում լրացումներ և/
կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ